

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Ministarstvo industrije, energetike i rudarstva**

**IZVJEŠTAJ O RADU MINISTARSTVA INDUSTRIJE, ENERGETIKE I  
RUDARSTVA ZA 2009 GODINU**

**Tuzla, mart 2010 godine**

Na osnovu člana 95. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj: 35/05) Ministarstvo industrije, energetike i rudarstva Tuzlanskog kantona podnosi

## **IZVJEŠTAJ O RADU ZA 2009 GODINU**

### **I. UVODNI DIO**

Ministarstvo industrije, energetike i rudarstva Tuzlanskog kantona (u daljem tekstu: *Ministarstvo*), obavlja stručne i druge poslove iz nadležnosti Tuzlanskog kantona iz oblasti industrije, enetgetike i rudarstva kao i druge poslove u skladu sa Ustavom, zakonima i drugim propisima. *Ministarstvo* je svoje aktivnosti sprovodilo u skladu sa slijedećim federalnim i kantonalnim propisima:

- Zakonom o ministarstvima i drugim organima uprave Tuzlanskog kantona,
  - Zakonom o upravnom postupku,
  - Zakonom o državnoj službi u Federaciji BiH,
  - Zakonom o namještenicima,
  - Zakonom o Vladi TK,
  - Zakonom o ministarsskim, vladinim I drugim imenovanjima u BiH,
  - Zakonom o koncesijama,
  - Zakonom o privrednim društvima,
  - Poslovníkom Vlade i Skupštine Kantona i drugim propisima (uredbe, pravilnici).
- Ministarstvo* je vršilo poslove iz svoje nadležnosti u okviru organizacionih jedinica i to: Odjeljenje industrije i Odjeljenje energetike i rudarstva.

### **II. Realizovane aktivnosti u okviru normativne, studijsko-analitičke, informativne i programske djelatnosti**

#### **- Normativna djelatnost**

Programom rada *Ministarstva* za 2009 godinu, predviđeno je donošenje Zakona o rudarstvu i Zakona o geološkim istraživanjima. Međutim, navedeni zakoni u proteklom periodu i pored očekivanja, nisu doneseni na federalnom nivou, zbog čega je izostala aktivnost *Ministarstva* po ovom pitanju. Procjena *Ministarstva* je da se kantonalni zakoni ne donose prije donošenja federalnih zakona, obzirom da se radi o zakonima iz podijeljene nadležnosti između federacije i kantona.

*Ministarstvo* je u 2009 godini, u skladu sa Zaključkom Vlade Tuzlanskog kantona, sačinilo nacrt Zakona o izmjenama i dopunama Zakona o koncesijama i isti uputilo na Vladu kantona. Vlada je utvrdila nacrt Zakona i isti uputila u skupštinsku proceduru. Nakon rasprave na Skupštini, *Ministarstvo* je povuklo navedeni Zakon, iz razloga što je uslijedilo donošenje federalnog zakona koji je u tom momentu bio u fazi prijedloga, te je zauzet stav da se isti ponovo uputi na procedure odmah nakon usvajanja federalnog. U kontaktu sa Vladom Federacije BiH, informisani smo da federalni Zakon o koncesijama nije usvojen zbog čega je Programom *Ministarstva* za 2010 godinu, uvršteno donošenje ovog zakona

## **- Studijsko-analitička i informativna djelatnost**

*U okviru studijsko-analitičke i informativne djelatnosti Ministarstvo je sačinilo i dostavilo Vladi Tuzlanskog kantona slijedeće akte:*

- *Odluku o utvrđivanju kriterija za korištenje sredstava sa potrošačke jedinice 13010002 «Intervencije javnim preduzećima i privrednim društvima»,*
- *Program raspodjele sredstava sa potrošačke jedinice 13010002 «Intervencije javnim, i privrednim društvima»,*
- *Informaciju o poslovanju privrednih društava iz oblasti industrije, energetike i rudarstva u periodu I-XII 2008. godini sa prijedlogom mjera;*
- *Informaciju o poslovanju privrednih društava iz oblasti industrije, energetike i rudarstva u periodu I-VI 2009 godine sa prijedlogom mjera,*
- *Izveštaj o ostvarivanju ciljeva i politike Ministarstva za 2009. godinu,*
- *Ciljevi i politike Ministarstva industrije, energetike i rudarstva za 2010 godinu,*
- *Izveštaj o radu Ministarstva za 2008 godinu,*
- *Informacija o radu Nadzornih odbora u privrednim društvima u kojima prava i obaveze vlasnika kapitala po osnovu državnog kapitala vrši Vlada Tuzlanskog kantona za period I – XII 2008 godine,*
- *Izveštaj o raspodjeli sredstava po osnovu programa raspodjele sredstava sa potrošačke jedinice „Intervencije javnim preduzećima i privrednim društvima“ sa postignutim efektima,*
- *Informaciju o realizaciji projekta integralnog pokretanja proizvodnje u okviru novog društva „Global Ispat Koksna industrija Lukavac“ d.o.o. Lukavac,*

*U okviru realizacije Programa raspodjele sredstava sa potrošačke jedinice 13010002 « Intervencije javnim preduzećima i privrednim društvima», donesene su i Vladi na saglasnost upućene slijedeće odluke:*

- *Odluka o plaćanju zdravstvenog osiguranja radnicima kao pomoć privrednim društvima sa većinskim državnim kapitalom iz resorne oblasti koja u održavanju tekuće likvidnosti nisu u mogućnosti plaćati zdravstveno osiguranje;*
- *Odluke o dodjeljivanju finansijskih sredstava za sufinansiranje materijalnog zbrinjavanja ili novčana pomoć zaposlenicima koji ostaju u privrednim a ista su u proces restrukturiranja, kao i zaposlenicima koji ostaju bez posla zbog uticaja recesije svjetske privrede na privredu BiH.;*
- *Odluke o dodjeljivanju finansijskih sredstava privrednim društvima sa većinskim državnim kapitalom iz resorne oblasti, kao pomoć u postizanju ekonomske samodrživosti (podsticaj izvoza, novo zapošljavanje, povećanje ukupnog prihoda, priprema za restrukturiranje i privatizaciju neprivatiziranih društava).*
  - *Odluke o dodjeljivanju finansijskih sredstava kao pozajmljivanja javnim preduzećima, a za potrebe rješavanja radno-pravnog statusa radnika u privrednim društvima sa većinskim državnim kapitalom koja nemaju proizvodne aktivnosti.*

**Skupštini Tuzlanskog kantona upućena su slijedeća akta:**

- *Informaciju o poslovanju privrednih društava iz oblasti industrije, energetike i rudarstva u periodu I-XII 2008. godini sa prijedlogom mjera;*
- *Informacija o aktivnostima na rješavanju radno-pravnog statusa uposlenika „Koksno-hemijskog kombinata“ Lukavac;*

- Informacija o realizaciji Ugovora o korištenju sredstava dodijeljenih po programu Raspodjele sredstava sa potrošačke jedinice 13010002 „Intervencije javnim preduzećima i privrednim društvima“;
- Mišljenje u vezi davanja založnog prava na V koksnu bateriju;
- Odgovori na sva postavljena poslanička pitanja.

## **- ODJELJENJE INDUSTRIJE**

U odjeljenju su obavljani slijedeći poslovi:

- Učešće u planiranju Budžeta za 2010. godinu.
- Izrada Programa i Odluke o kriterijima raspodjele sredstava sa potrošačke jedinice “Intervencije javnim preduzećima i privrednim društvima”.
- Rješavanje zahtjeva za dodjeljivanje sredstava sa potrošačke jedinice “Intervencije javnim preduzećima i privrednim društvima” po donesenom Programu i Odluci o kriterijima raspodjele.
- Izrada odluka sa obrazloženjima za dodjeljivana sredstva sa potrošačke jedinice u okviru Ministarstva,
- Rad na kontroli namjenskog utroška dodjeljenih sredstava,
- Izrada Programa rješavanja radno-pravnog statusa radnika Koksno-hemijskog Kombinata Lukavac,
- Kordinacija i izrada Ugovora o pozajmici finansijskih sredstava Koksno-hemijskom kombinatu Lukavac,
- izrada Izvještaja, Planova i Informacija za Vladu i Skupštinu Tuzlanskog kantona,
- Učestvovanje u radu Skupštinskih komisija,
- Obrada i odgovori na zahtjeve i dopise privrednih subjekata, radnika i drugih fizičkih lica,
- Davanje odgovora sudovima u sudskim predmetima po uopravnim sporovima vezano za privatizaciju.
- Provođenje procedure za nominiranje kandidata za upražnjene pozicije članova i predsjednika Nadzornih odbora u privrednim društvima sa većinskim državnim kapitalom,
- Rješavanju žalbi kao drugostepeni organ na rješenja elektroenergetske inspekcije Kantonalne uprave za inspeksijske poslove,
- Davali odgovore na poslanička pitanja Skupštini Tuzlanskog kantona na poslanička pitanja koja se odnosi na oblast industrije u okviru Ministarstva,
- Posjećivali privredna društva sa većinskim državnim kapitalom sa ciljem detaljnijeg upoznavanja sa poslovanjem istih,
- Sarađivali sa Kantonalnom agencijom za privatizaciju kada je u pitanju ispunjavanje obaveza po osnovu Ugovora o kuporodaji kapitala u državnim preduzećima i rješavali probleme koji su nastali kao posljedica privatizacije,
- Učestvovali u prevazilaženju problema deblokade računa Livnice čelika” Tuzla,
- Učestvovali u radu Skupština privrednih društava sa učešćem državnog kapitala, analizirali izvještaje o poslovanju, revizorske izvještaje i predlagali donošenje određenih odluka,
- Održavali sastanke sa direktorima privrednih društava i Nadzornim odborima.
- Održavali sastanke sa sindikatima privrednih društava iz resorne oblasti kao i sa Granskim sindikatima.
- Velike i redovne aktivnosti vođene su oko rješavanja problema u F.O. “Aida” Tuzla. Sastanci su održavani na svim nivoima i sa svim zainteresovanim za iznalaženje kompleksnog problema ovog društva.

## **- Ocjena stanja u privrednim društvima iz oblasti industrije**

Prema dosada rađenim analizama industrijska proizvodnja uključujući rudarstvo i energetiku na području Tuzlanskog kantona zaključno sa 2008. godinom, imala je trend rasta.

U pojedinim granama već u 2008. godini počelo je otežano poslovanje. Analizom poslovanja privrednih subjekata Tuzlanskog kantona za period I-VI 2009. godine, vidjelo se da je privreda Tuzlanskog kantona suočena sa velikim negativnim uticajem globalne krize.

Prikupljeni podatci o poslovanju u 2009. godini, ukazuju da negativan uticaj globalne recesije još nije prevaziđen, uz procjenu da će se njeni efekti osjećati i u narednom periodu.

Komparirajući proizvodne rezultate ostvarene u 2009. godini sa postignutim u 2008. godini, za privredna društva zasnovana na državnom vlasništvu bez obzira na sadašnju strukturu vlasništva, može se konstatovati da je ukupan prihod manji za 16%. Uvoz je smanjen za 35% dok je izvoz takođe smanjen za 34%. U svemu ovome pozitivno je što je izvoz veći od uvoza za cca 67%. Ukupno smanjenje spoljnotrgovinske razmjene ne daje ohrabrujuće rezultate.

Ukupna zaposlenost je smanjena za cca 5% uz konstataciju da će u 2010. godini uslove za penzionisanje steći cca 450 radnika. Opterećanje u poslovanju predstavlja veliki broj radnika koji su ispunili uslove za penzionisanje, a ovo pravo ne mogu da ostvare zbog nemogućnosti privrednih subjekata da im povežu penzijski staž. Sindikati i posloводство konstantno traže pomoć Vlade u rješavanju ovog problema. Problem je najizraženiji u metalnoj i elektro industriji kao i industriji tekstila i obuće.

U sektoru industrije ostvareni su manji ukupni prihodi za 32% sa konstatacijom da su sve privredne grane ostvarile manje prihode u odnosu na ostvarene u 2008. godini. Izvoz je manji za 34% a uvoz za 36% u odnosu na ostvarene rezultate u 2008. godini. Izvoz je veći za 38% od uvoza. Zaposlenost je smanjena za 11%.

Procjena stanja poslovanja u 2009. godini po industrijskim granama bila bi slijedeća: **Hemijska industrija** zbog svoje specifičnosti predstavlja veoma kompleksno područje poslovanja. Specifičnost se ogleda prije svega u kontinuiranom radu, zašto je potrebno stvoriti uslove kroz obezbjeđenje tržišta za nabavku sirovina i plasman proizvoda i veoma ažurno održavanje opreme i sredstava rada. Takođe, potreban je kontinuitet u obezbjeđivanju obrtnih sredstava.

Poznato je da su svi instalirani kapaciteti, ove grane, oslonjeni na inostrano tržište gdje je velika konkurencija po svim osnovama. Svaki poremećaj na svjetskom tržištu direktno i veoma brzo se odražava na poslovanje ove privredne grane.

Zbog navedenih specifičnosti globalna recesija je u svom punom kapacitetu zahvatila ovu industrijsku granu. Manifestovala se smanjenjem potražnje za proizvodima i značajnijim padom cijena. Nedostatak sopstvenih kao i kreditnih sredstava poslovanje grane dodatno je opteretilo.

Općenito gledano, može se reći da je u periodu I-XII 2009. godine, došlo do smanjenja ukupno ostvarenog prihoda za 37%, smanjenje spoljnotrgovinske razmjene (u uvozu za 42% u izvozu za 31%). Procjena je da je neto izvozni rezultat (izvoz-uvoz) u ovom periodu iznosio je cca 1,28.

„Global Ispat koksna industrija Lukavac“ je za kratak period postojanja prošlo kroz razne faze poslovanja, od veoma velikog gubitaka do poslovanja sa respektabilnim ostatkom dohotka. Pod uticajem globalne recesije, koja je društvo zahvatila u oktobru 2008. godine otkazivanjem ugovora od strane Yustila zbog zaustavljanja proizvodnje

čelika, proizvodni proces u ovom kompleksu morao se redukovati do tehnološkog minimuma neophodnog za održavanje koksnih peći u radnom režimu. Proizvedeni koks u ovom režimu rada, pogotovo u vrijeme smanjene potražnje, teško se plasirao i nalazio se na zalihama, a njegova proizvodnja je direktni izvor gubitka u poslovanju. Zbog niskog nivoa korištenja kapaciteta pogoni za proizvodnju hemijskih proizvoda zasnovanih na proizvodnji koksa, radili su povremeno. Relativno stabilna proizvodnja odvijala se samo u pogonu za proizvodnju Anhidrida Maleinske kiseline, a djelimično i na iznajmljenom pogonu za proizvodnju đubriva KAN. Suočeni sa stanjem gubitka tržišta, te redukcije proizvodnje koksa menadžment je uz podršku vlasnika kapitala uradio Akcioni plan prevazilaženja takvog stanja. Redovne analize istog ukazivale su na uspješnu realizaciju osim u dijelu obezbjeđenja kreditnih sredstava od strane Razvojne banke Federacije BiH. Dio kreditnih sredstva tražen od Razvojne banke Federacije BiH trebalo se koristiti za plaćanje obaveza prema dobavljačima prije svih Željeznici F BiH isplatu zaostalih plata. Dodatnim angažovanjem, potpisan je ugovor sa Indijskim kupcima i nabavljeni specijali ugljevi za proizvodnju koksa znatno boljeg kvaliteta od dosada proizvedenog. Proizvodni proces po novim uslovima proizvodnje počeo je početkom jula, čime su stvoreni uslovi za kontinuiran rad i ostalih pogona. Takođe, počela je isporuka za Yustil, međutim zbog loših uslova negativno poslovanje je nastavljeno tako da izvještajni period završen sa ostvarenim velikim gubitkom. Alternativa ovakvom poslovanju bila je gašenje koksnih peći i najvjerovatniji gubitak proizvodnje koksa i ostalih proizvoda zasnovanih na koksovanju za sva vremena.

Ukupan ostvareni prihod je 51% od ostvarenog u 2008. godini. Ostvareni izvoz je 48%, a uvoz 57% od ostvarenih u 2008. godini. Smanjen je broj zaposlenih na način sporazumog raskida radnog odnosa uz otpremnine ili odlaskom u penziju.

Iz ekoloških razloga i slabe ekonomičnosti poslovanja obustavljena je proizvodnja na pogonu prerade katrana kamenog uglja.

Nedovoljno korištenje kapaciteta u proizvodnji KAN-a problem je koji je prisutan od uspostavljanja proizvodnje, a vezan je za ne kontrolisani uvoz ovog proizvoda i razne barijere od starne susjednih zemalja vezanih za izvoz ovog proizvoda u susjedne zemlje.

Zbog neisplaćene dvije zaostale plaće, za čiju isplatu je bio postignut Sporazum da se isplate do kraja godine, radnici su stupili u štrajk na način da nije zaustavljena proizvodnja, ali su bili blokirani izlazi roba i ulazi sirovina.

Štrajk je okončan na način da su isplaćene zaostale plaće avansnom naplatom od kupaca i iz sredstava namijenjenih za plaćanje dospjelih obaveza prema Ž BiH kao i sredstava namijenjenih za nabavku sirovina. Iako nije bilo obustavljanja proizvodnje ovaj štrajk i način obezbjeđivanja sredstava za isplatu plaća, prema tvrdnji menadžmenta, izazvao je dodatne probleme u poslovanju društva.

Razgovori sa Sindikatom i Štrajkačkim odborom vezano za ispunjene ostalih zahtjeva nastavljani su. Međutim zahtjev za povećanje plaća od 40% shodno stanju u kome se društvo nalazi (negativno poslovanje, nedovoljno korištenje kapaciteta, još neprevaziđeni uticaj globalne krize kao i sadanji prosjek plaća) od strane menadžmenta ocijenjen je nerealan. Obziron na nepostizanje kompromisa po ovom zahtjevu teško je predvidjeti daljnji razvoj događaja.

Uz mnogo truda i uzajamnog razumijevanja od strane svih zainteresovanih koncem 2009. godini radnicima "KHK" Lukavac riješen je radno-pravni status.

Usaglašen je Program rješavanja njihovog statusa na način da im se poveže penzijski staž, isplate otpremnine i upute na Zavod za zapošljavanje. U cilju

obezbjeđivanja neophodnih sredstava za realizaciju Programa, potpisan je Ugovor o pozajmici između Ministarstva Industrije, energetike i rudarstva i KHK Lukavac, po kome će Ministarstvo obezbjeđivati KHK-u neophodna sredstva za realizaciju preuzetih obaveza po navedenom Programu.

Tokom godine Ministarstvo je dodjeljivalo društvu finansijska sredstva za materijalno zbrinjavanje radnika društva.

„Sisecam soda Lukavac“, značajno je osjetila globalnu recesiju na način da je bila smanjena potražnja određenih proizvoda ovog društva. Povremeno je dolazilo do smanjenja kapaciteta uz zastoje koji su korišteni za revitalizaciju opreme. U određenim periodima povećane su zalihe proizvoda koje nisu ugrožavale poslovanje i likvidnost. Ostvareni ukupan prihod je za 3% manji od ostvarenog u istom periodu 2008. godine. Ostvarena je manja proizvodnja teške sode kao finalnog proizvoda, dok je povećana proizvodnja lahke sode i bikarbonata. Uvoz je smanjen za 33% od ostvarenog u istom periodu 2008. godine (manje se uvezlo opreme,) dok je izvoz na nivou ostvarenog u 2008. godini. Sa ciljem stabilizacije i smanjenja troškova smanjen je broj zaposlenih za 16% u odnosu na isti period 2008. godine, U izvještajnom periodu značajno je povećano kreditno zaduženje društva.

Stečajni postupak nad „Fabrikom sode“ Lukavac još nije okončan. „Poliolchem“ je društvo formirano kupovinom proizvodnih pogona od „Polihema u stečaju“. Do polovine 2007. godine nastavljene su proizvodne aktivnosti koje su započete u okviru „Polihema u stečaju“. Poslije obustavljanja proizvodnje Propilen oksida, u društvu je ostala samo proizvodnja poliola. Ovo je za posljedicu imalo smanjenje zaposlenosti. Do aprila 2009. godine proizvodnja poliola odvijala se diskontinuirano sa dužim neradnim periodima. Od ovog perioda može se reći da nije bilo proizvodni aktivnosti. Duži period vode se aktivnosti na uspostavljanju proizvodnje u saradnji sa Turskim kupcima.

U februaru 2010. godine, na upućeni poziv, društvo i Ministarstvo posjetio je Predsjednik uprave Organike gospodin Kwiecinski, koji je iznio je probleme prisutne kod vlasnika Poliolkema zbog kojih nisu u mogućnosti da finansijski pomognu Poliolkemu. Obzirom na opasnost od gašenja društva i neriješene sudbine radnika upravi je upućen novi poziv da posjete društvo i daju rješenja za novonastalo stanje u društvu.

Poslovanje Fabrike deterdženata „Dita“ Tuzla izloženo je veoma jakoj konkurenciji multinacionalnih kompanija i trgovačkih lobija. Investiranje u obrtna sredstva, osavremenjavanje opreme sa ciljem poboljšanja kvaliteta kao i novi pristup marketingu uz težnju za proširenjem, kako domaćeg tako i inostranog tržišta, nastavljeno je i u ovom izvještajnom periodu. Takav pristup vođenja društva već je dao određene rezultate za čije održanje i poboljšanje je potrebno stručna podrška i konstantno ulaganje u sve resore poslovanja.

Ukupni ostvareni prihodi manji su za 9%, a fizički obim proizvodnje za 7% u odnosu na 2008. godinu. Uvoz je takođe manji za 56% ,a izvoz za 6%. Problem likvidnosti društva bio je veoma izražen. Zaposlenost je smanjena za cca 20%.

Stanje u dd „Solana“ Tuzla je takvo da je po osnovu proizvodnje soli povećana proizvodnja za 13%, a po osnovu proizvodnje prehrambenog programa povećanje je 10%. Ukupan ostvareni prihod je manji za 1% u odnosu na 2008. godinu. Uvoz je povećan za 65% a izvoz za 9%.

U posljedne vrijeme u ovom društvu posvećuje se veća pažnja povećanju asortimana iz prehrambenog programa zasnovanog na bazi soli. Za daljnji razvoj društva potrebna su investiciona ulaganja u osavremenjavanje proizvodnje i

proširenje određenih kapaciteta kojima bi se omogućilo uvođenje novih proizvoda zasnovanih na bazi soli.

U „Hempro“ Gradačac stanje je promjenljivo zbog proizvodnog programa koji je naslonjen na građevinarstvo i velike konkurentnosti od strane uvozne robe. Fizički obim proizvodnje u izvještajnom periodu je značajno smanjen što je rezultiralo i manje ostvarenom ukupnim prihodom za 52%. Ostvareni izvoz je samo 36% od ostvareno u istom periodu 2008. godine. Zaposlenost je manja za 10%.

Takođe i trend stabilizacije i poboljšanja poslovanja **metaloprerađivačke i elektro industrije**, kakav je bio u prethodnom periodu, zaustavljen je u 2009. godini što se ogleda u smanjenju fizičkog obima proizvodnje i ostvarenog ukupnog prihoda. Osnovni razlog je globalna recesija. Većina društva iz ove grane svoje poslovanje bazirali su na davanju usluga inozemnim naručiocima posla ili proizvode robu namijenjenu svjetskom tržištu. Zbog takve orijentacije našli su se na udaru globalna recesija na način da nije došlo do obnavljanja ugovora, koji su se unazad niz godina redovno obnavljali. Takođe dolazilo je do raskidanja ugovora čija je realizacija već bila u toku.

Globalna recesija imala je najvećeg uticaja na poslovanje „Cimos TMD Ai“ Gradačac, „Alfe- mi“ Živinice, „Remontmontaža“ Tuzla, „Unis Tok“ Kalesija.

Preocjena je da povećanje fizičkog obima proizvodnje ostvarilo cca 30% privrednih društava u odnosu na ostvareni fizički obim proizvodnje u 2008. godini. Povećanje fizičkog obima proizvodnje ostvarili su „Elektroremont“ Banovići“, „TTU“ Tuzla, „Antikorozijska“ Tuzla, „Umel“ Tuzla, „Umel-Dalekovodmontaža“ Tuzla.

Korištenje kapaciteta pored navedenih društava ostvarilo je još nekoliko društava, ali ovo povećanje nije uticalo na povećanje prihoda.

Ukupno ostvareni prihod grane iznosio je cca 72% od ostvarenog za isti period 2008. godine. Veće prihode ostvarilo društva koja su imala i povećanje fizičkog obima proizvodnje.

Ovaj period poslovanja obilježen je sa značajnim padom izvoza. U svih dosadašnjim izvještajnim periodima ova grana je imala trend povećanja izvoza. Ovo je prvi put da je došlo do značajnijeg smanjenja izvoza, i to za cca 20% odnosu na isti period 2008. godine. Takođe i uvoz je smanjen za cca 20%. Za ovu granu, može se reći kada je spoljnotrgovinska razmjena u pitanju, orijentacija prema saradnji sa inostranim naručiocima bila je prednost, međutim u periodu globalne recesije ta prednost postala je mana. Međutim pored prednosti i mana u određenim vremenskom periodima, orijentacija prema inostranom tržištu je neminovna, jer BiH-tržište ne može apsorbovati sve proizvodno-uslužne mogućnosti ove grane.

Poteškoće u poslovanju odrazile su se i na zaposlenost. Prema raspoloživim podacima nije bilo prijema novih uposlenika nego je ukupna zaposlenost smanjena za 9%.

Iz ove grane Ministarstvo je uz saglasnost Vlade Tuzlanskog kantona dodijelilo finansijsku pomoć društvima «Livnica» Tuzla kao pomoć u realizaciji planova proizvodnje za 2009. godinu. Obzirom na probleme sa kojima se susreće ovo društvo (dotrajala oprema uz visoke troškove održavanja, izvršne sudske presude za neizmirena dugovanja i pravno neriješen status društva dr.) dodjeljena finansijska pomoć pomoglo je društvu u prevazilaženju problema, ali agonija društva nastavljena je tokom cijele godine..

Dugo trajanje sudskih sporova vezano za raskidanje ugovora o privatizaciji „Livnice čelika i „TTU“ Tuzla riješeno je prvostepenim rješenjima suda kojima su ovi ugovori



raskinuti, a kapitali društava vraćeni u državno vlasništva. Međutim zbog žalbenih postupaka nije moguće prognozirati konačna rješenja ovih problema.

Uslovi pod kojima posluje grana **obuće i tekstila** ostali su nepromijenjeni. I dalje se rade lohn-poslovi za dobro organizovane naručioce posla iz Evropske unije.

Sa globalnom recesijom uslovi su dodatno pogoršani. Pogoršanje se ogleda u smanjenom broju ponuda za uslužnu djelatnost uz nuđenje nižih cijena. Međusezonsko smanjenje radnog angažovanja kao i prekidi proizvodnje postali su izraženiji. Pogoršavanje uslova poslovanja značajno je uticalo na ukupno poslovanje svih društva ove privredne grane. Nizak standard radnika grane još je više ugrožen.

Sa aspekta fizičkog obima proizvodnje sva su društva ostvarila slabije rezultate u odnosu na 2008. godinu. Korištenje raspoloživih kapaciteta je bilo na nivou korištenih u 2008. godini. Ostvareni fizički obim proizvodnje kretalo se od 70 do 95% u odnosu na ostvarivani u istom periodu 2008. godine uz činjenicu da Fabrika obuće „Aida“ u ovom periodu praktično nije imala proizvodnih aktivnosti.

Ostvareni finansijski rezultati kod svih društava, kretali su se u funkciji ostvarivanog fizičkog obima proizvodnje. Na nivou grane ostvareni ukupni prihodi su manji za 24%, uz konstataciju da su sva društva ostvarila manje ukupne prihode.

Izvojni rezultati su takođe znatno manji i predstavljaju 77% ostvarenih u 2008. godini.

Ovakvo stanje uticalo je na zaposlenost, koja je manja za 6%.

FO „Aida“ Tuzla u pogonu Lukavac imala je proizvodne aktivnosti. Svi ugovori realizovani u ovom pogonu nisu mogli obezbijediti minimalne plaće radnicima sa pokrivanjem materijalnih troškova. Pogon u Dubokom Potoku manji vremenski period imao je proizvodne aktivnosti sa veoma lošim finansijskim rezultatima. Za pogon u Tuzli može se reći da nije imao proizvodnih aktivnosti. U proizvodnom smislu realizovali su samo jedan manji ugovor koji još nije okončan.

Radnici FO „Aida“ Tuzla su raznim protestnim organizovanjem izražavali nezadovoljstvo sa stanjem u kome se društvo nalazi. U cilju iznalaženja rješenja kako za društvo tako i za radnike, društva konstantno su održavani sastanci predstavnika Ministarstva i sindikata sa menadžmentom društva. Sastanci su održavani i u organizaciji Vlade pa i Kolegija Skupštine TK. Na sastancima, pored zahtjeva za većim angažovanjem u pronalaženju naručilaca posla, izričiti zahtjevi sindikata su obezbjeđivanje materijalnog zbrinjavanja radnika u vrijeme radnog neangažovanja i uvezivanje penzionog staža svim radnicima društva.

U 2009. godini radnicima ovog društva upućivana je finansijska pomoć od strane Ministarstva i Vlade TK za njihovo materijalno zbrinjavanje.

Privredna društva koja posluju u **industriji građevinskog materijala i građevinarstva**, iako svoje proizvodne programe zasnivaju uglavnom na domaćem tržištu, značajnije su osjetila uticaj globalne recesije.

Fizički obim proizvodnje proizvođača građevinskog materijala kao i sektora građevinarstva vezan je za investicije, njihovo poslovanje u izvještajnom periodu ukazuje na smanjenje investiranja u svim sferama života i aktivnosti. Sva društva osim „Tehnograd Company“ Tuzla ostvarili su manji fizički obim proizvodnje. Procjena je da je slično stanje u društvima zasnovanim na privatnom kapitalu.

Proizvođači građevinskog materijala Fabrika cementa Lukavac i „Ingram“ Srebrenik, nakon dužeg perioda dobrog poslovanja, u izvještajnom periodu zabilježile su lošije rezultate. U fabrici „Siporex“ Tuzla došlo je do promjene vlasničke strukture. Novi vlasnici uložili su značajna sredstva u rekonstrukciju i osavremenjavanje proizvodnog procesa. Na tržište su, na bazi gas betona kao što je bio siporeks, plasirali novi proizvod, čije su građevinskih performanse značajnije poboljšane. Uvođenjem nove

tehnologije i osavremenjavanjem procesa smanjen je broj zaposlenih. Svi radnici koji su ostali radno neangažovano, zbrinuti su na zakonom predviđen način.

Kada je u pitanju građevinska operativa izlaz iz postojećeg stanja vide u raznim oblicima međusobnog povezivanja sa ciljem izlaska na ino- tržište i otvaranju većih investicija u BiH.

Pored društava koja se obrađuju u ovoj informaciji u građevinskoj operativi posluje veliki broj manjih i srednjih društava kao i društava koja su izrasla u kompanije koja su zasnovana na privatnom kapitalu o čijem poslovanju nemamo podataka. Razlog je ne prihvatanje saradnje od strane vlasnika i menadžmenta ovih društava. Uz sve to možemo konstatovati da u ovoj grani ipak ova društva vode primat, što ukazuje na njihov uspješan razvoj.

Ukupni izvozni rezultati ove grane su lošiji od ostvarenih rezultata u 2008. godini.

Ukupna zaposlenost u ovoj grani smanjena je za 5% na što je najveći uticaj imalo smanjenje zaposlenih u „Siporex“ (Ytong) Tuzla i otpuštanjem radnika u građevinskoj operativi zbog nedostatka posla.

Privredno društvo iz **Grafičke industrije** takođe su otežano poslovala Globalna recesija odrazila se i na njihovo poslovanje. Iako je mali broj privrednih društava koja se obrađuje u ovoj informaciji, procjena je da je slično stanje u društvima zasnovanim na privatnom kapitalu koja posluju u ovoj privrednoj grani.

Od tri društva koja su obrađena u ovom izvještaju „C.P.A.“ Tojšići ostvarila je povećanje fizičkog obima proizvodnje što je uticalo i na povećanje ukupnog prihoda društva. Društvo „Grin“ Gračanica iako je ostvarilo neznatno povećanje fizičkim obimom proizvodnje ukupni prihod je manji za 18%.

Ostvareni izvozni rezultati ove grane su 81% od ostvarenih u 2008. godini dok je uvoz takođe smanjen na 52%.

Ovakvo slabije poslovanje imalo je za posljedicu i smanjenje zaposlenosti za 4%.

Iako u **industriji gume i plastike** posluje 6 društava zasnovanih na državnom vlasništvu, već duži vremenski period analiza poslovanja ove grane zasniva se na 3 društva: „Buschenhaff-Plastikal“ Kalesija, „Hidrotehnika“ Kladanj i „Sportnautik“ Gradačac.

Poslovanje i ova tri društva u izvještajnom periodu bilo je otežano. Smanjen je fizički obim proizvodnje kao i ukupni prihod u odnosu na isti period 2008. godine.

Uvoz je smanjen za cca 30%, dok je izvoz dostigao samo 72% ostvarenog u 2008. godini.

Zaposlenost je smanjena za 5%.

Svaka analiza stanja u ovoj oblasti na osnovu podataka od samo tri društva ne bi odražavala realno stanje, ali sve ukazuje na slično stanje i u ostalim društvima ove grane.

Međutim društvo „Buschenhaff-Plastikal“ Kalesija zasnovano na zajedničkom kapitalu „Plastikala“ i Njemačkog partnera ostvarili su samo 30% proizvodnje u odnosu na ostvarenu u 2008. godini što je uticalo i na smanjenje ukupnog prihoda za cca 27%. „Sportnautik“ Gradačac ostvario je manji obim proizvodnje po pojedinim proizvodnim programima, ali je prihod povećan za cca 11%.

Društvo „Resod-Guming“ Tuzla nema proizvodnih aktivnosti zbog neriješene vlasničke strukture koja se niz godine sudski dokazuje. Radnici društva pokrenuli su stečajni postupak sa ciljem naplate svojih potraživanja. Nadleži sud još nije donio Rješenje iako su završene sve predstečajne radnje.

## **- ODJELJENJE ENERGETIKE I RUDARSTVA**

*U odjeljenju su obavljani slijedeći poslovi:*

- *Učešće na usmenim raspravama koje je organizovalo Federalno ministarstvo energije, rudarstva i industrije vezano za izdavanje odobrenja za eksploataciju i geološka istraživanja mineralnih sirovina po zhitjevima privrednih društava sa područja Tuzlanskog kantona.*
- *kontrola rada koncesionara kroz kvartalno vršenje obračuna eksploataisanih količina mineralne sirovine o čemu su sačinjeni zapisnici i rješenja za plaćanje koncesione naknade. U 2009. godini nakon, provedenog postupka po samoinicijativnoj ponudi privrednog društva „Terme“ d.o.o. Gračanica, zaključen je koncesioni ugovor za eksploataciju termomineralne vode na eksploatacionom polju „Gračanica“ u općini Gračanica. Zaključno sa 31.12.2009. godine, Ministarstvo je imalo 18 zaključenih koncesionih ugovora, a krajem 2009. godine pokrenuta je aktivnost na zaključivanju ugovora za eksploataciju kvarcnog pijeska. Za period I – XII 2009. godine u budžet Tuzlanskog kantona od naknada po osnovu dodijeljenih koncesija uplaćeno je 2.086.334,20 KM. Od navedenog iznosa 80% prebačeno je Općinama na čijem području se nalazi predmet koncesije. U saradnji sa Ministarstvom finansija Tuzlanskog kantona, vršeno je praćenje naplate koncesionih naknada, a Kantonalnom pravobranilaštvu je dostavljena dokumnetacija za pet koncesionara koji ne izvršavaju svoje obaveze po osnovu Ugovora i Rješenja za pokretanje postupka napalte dugovanja putem suda.*
- *Rješavane su žalbe na rješenja elektroenergetske inspekcije koje su se uglavnom odnosile na pokrenute sporove oko naplate potraživanja*
- *Učešće u aktivnostima vezano za prestruktuiranje elektroenergetskog sektora na području Federacije i Kantona*
- *Redovno su dostavljani odgovori na postavljena pitanja poslanika Skupštine Tuzlanskog kantona*
- *Učešće u radu Skupština privrednih društava iz oblasti rudarstva, uz prethodno pribavljeno mišljenje ministra po svim tačkama dnevnog reda Skupštine*

### **Ocjena stanja u privrednim društvima iz oblasti rudarstva**

*Rudnik soli „Tuzla“ dd Tuzla u 2009. godini nije imao većih problem u procesu proizvodnje, čime je obezbijedio dovoljne količine slane vode za proizvodne kapacitete hemijske industrije. Eksploatacija na pogonu „Tetima“ vršena je na šest istražno-eksploatacionih bušotina, jedna je privremeno likvidarana, dvije bušotine nalaze se u procesu uvodnog izluživanja, dok su za dvije bušotine urađeni platoi, pristupni putevi i uvodne kolone.*

*Stručna lica rudnika, zajedno sa Ekspertnim timom redovno su analizirali podatke vezano za monitoring stijenskog masiva nakon prestanka eksploatacije na tuzlanskom sonom ležištu i za te potrebe, iz sredstava ostvarenih po osnovu koncesione naknade, Vlada Tuzlanskog kantona ovom privrednom društvu odobrila je sredstva u iznosu od 100.000,00 KM za izvođenje geofizičkih ispitivanja.*

*U Rudniku krečnjaka „Vijenac“ doo Lukavac u izvještajnom periodu vođene su aktivnosti na pripremi društva za privatizaciju. Raspisana su dva javna poziva za prodaju preduzeća, ali ni jedan nije uspješno realizovan. U međuvremenu društvo je*

poslovalo u izuzetno teškoj situaciji, dolazilo je do zastoja zbog kvarova na zastarjeloj opremi, kada se nisu mogle zadovoljiti potrebe prerađivačke industrije.

U decembru 2009. godine Ministarstvo je sa odobrenim sredstvima u iznosu od 350.000,00 KM učestvovalo u nabavci vučnog užeta za potrebe transporta krečnjaka.

U „Rudnicima nemetala Kladanj“ doo Kladanj još uvijek nije pokrenuta proizvodnja. U izvještajnom periodu urađena je Studija o ekonomskoj opravdanosti pokretanja i proizvodnje magnezita, koja je pokazala da postoje uslovi, sa aspekta rezervi i kvaliteta mineralne sirovine, da se aktivira ovaj rudnik, ali da se još uvijek nije pojavio strateški partner koji bi obezbijedio finansijsku konstrukciju za ovaj projekat. Resorno ministarstvo je za 20 radnika koji se vode na evidenciji ovog društva uplatilo zdravstveno osiguranje.

### **III. RASPODJELAE SREDSTAVA SA POTROŠAČKE JEDINICE «INTERVENCIJE JAVNIM PREDUZEĆIMA I PRIVREDNIM DRUŠTVIMA» SA POSTIGNUTIM EFEKTIMA**

Budžetom za 2009. godinu, u Ministarstvu industrije, energetike i rudarstva na potrošačkoj jedinici 13010002 – „Intervencije javnim preduzećima i privrednim društvima“ planirana su budžetska sredstva u iznosu od 4.000.0000,00 KM.

U skladu sa procedurom propisanom Zakonom o izvršenja Budžeta Tuzlanskog kantona za 2009 godinu, Ministarstvo je donijelo Odluku o utvrđivanju kriterija za korištenje sredstava sa potrošačke jedinice 13010002 kao i Program korištenja sredstava. Oba akta su dva puta izmjenjena a u skladu sa sa Izmjenama i dopunama Budžeta Tuzlanskog kantona.

Rebalansom budžeta Tuzlanskog kantona sredstva na ovoj potrošačkoj jedinici smanjivana su: prvim rebalansom na 3.600.000,00 KM i drugim na 3.300.000,00 . Ovaj iznos je raspoređen na grantove kako slijedi:

- Subvencije javnim preduzećima - 2.175.000,00 KM
- Pozajmljivanja javnim preduzećima - 1.125.000,00 KM

#### **1. «Subvencije javnim preduzećima»**

Na osnovu tačke (a) Programa korištenja sredstava sa potrošačke jedinice 13010002 - «Pomoć privrednim društvima sa većinskim državnim kapitalom iz resorne nadležnosti koja u održavanju tekuće likvidosti nisu u mogućnosti da plaćaju zdravstveno osiguranje» plaćeno je zdravstveno osiguranje za slijedeća privredna društva:

<b>R/br</b>	<b>Naziv privrednog društva</b>	<b>Broj zaposlenih</b>	<b>Odluka broj, datum Saglasnost broj</b>	<b>Visina odobr. Sredstava (KM)</b>
1	Koksno hemijski kombinat «KHK» Lukavac	213	Od.03/1-14-389/09 Od 26.02.2009 Sag.02/1-14-386/09	
2.	FO «Aida» Tuzla	693	-II-	

3.	«Resod-Guming» Tuzla	53	-II-	
4.	Unioninvest «Elektromontaža» Tuzla	20	-II-	
5.	Unioninvest «Mašinska montaža» Tuzla	24	-II-	
6.	«Rudnici nemetala Kladanj» Kladanj	20	-II-	
7.	«Elektromontaža» Tuzla	26	-II-	
<b>UKUPNO:</b>		<b>1049</b>	<b>-II-</b>	<b>59.510,00</b>

*Efekti od dodijeljenih sredstava su ostvarenje prava na zdravstvenu zaštitu za radnike ovih privrednih društava kao i članova njihove porodice. Putem sindikalnih predstavnika ova aktivnost je ocijenjena veoma pozitivno i bitno je uticala na stabilnost privrednih društava. Bez regulisanja zdravstvene zaštite, nezadovoljstva radnika bila bi svakodnevna.*

*Po osnovu tačke (b) Programa raspodjele sredstava sa potrošačke jedinice 13010002 – «sufinansiranje materijalnog zbrinjavanja ili novčana pomoć zaposlenicima koji ostaju u privrednim društvima a ista su u procesu restrukturiranja kao i zaposlenicima koji ostaju bez posla zbog uticaja recesije svjetske privrede na privredu BiH» sredstva su dodijeljena slijedećim društvima:*

<b>R/br</b>	<b>Naziv privrednog društva</b>	<b>Odluka broj, datum odluke, Saglasnost broj</b>	<b>Visina odobr. sreds. (KM)</b>
1.	Koksno hemijski kombinat «KHK» Lukavac	Od. 03/1-14-938/09 Dan 22.05.2009.g. Sag.02/1-14-938/09	125.000,00
		Od. 03/1-14-11177/09 Dan 07.07.2009.g. Sag.02/1-14-11177/09	50.000,00
		Od. 03/1-14-012288/09 Dan 27.07.2009.g. Sag.02/1-14-12288/09	12.000,00
		Od. 03/1-14-13033/09 Dan 11.08.2009.g. Sag.02/1-14-13033-1/09	150.000,00

		Od. 03/1-14-19203/09 Dan 28.10.2009.g. Sag.02/1-14-19203/09	90.000,00
2.	FO «Aida» Tuzla	Od. 03/1-14-9720/09 Dan 15.06.2009.g. Sag.02/1-14-9720/09	170.000,00
<b>UKUPNO:</b>			<b>597.000,00</b>

Koksno hemijskom kombinatu Lukavac dodijeljena su sredstva po osnovu pet Odluka u ukupnom iznosu 427.000,00 KM. Sredstva su dodijeljena za sufinansiranje materijalnog zbrinjavanja radnika, odnosno kao novčana pomoć radnicima čije se društvo nalazi u procesu restrukturiranja.

Koksno hemijski kombinat od 2003. godine, formiranjem zajedničkog društva GIKIL sa stranim partnerom, nalazi se u procesu restrukturiranja. Van ugovora o formiranju zajedničkog društva ostalo je 305, a sada je u radnom odnosu 213 radnika. Obzirom da je KHK sve proizvodne pogone prenio u zajedničko društvo, radnici KHK su ostali bez mogućnosti radnog angažovanja. Za njihovo materijalno zbrinjavanje obezbjeđuju se sredstva, od strane KHK i Vlade TK kao većinskog vlasnika kapitala ovog društva.

U 2009. godini intenzivno se radilo na izradi Programa rješavanja radno-pravnog statusa radnika „Koksno-hemijskog kombinata“ Lukavac. Program je sačinjen i prihvaćen od strane Vlade i Skupštine Tuzlanskog kantona.

Planom je predviđeno potpisivanje sporazuma sa Federalnim PIO/MIO o izmirenju obaveza društva prema ovom fondu u zakonom predviđenim odgođenim plaćanjem u ratama kao i potpisivanje sporazuma sa Službom za zapošljavanje TK.

Nakon regulisanja ovih obaveza, radnici bi bili upućeni na Zavod za zapošljavanje uz isplatu otpremnina, takođe u ratama, koje bi se obezbijedile na osnovu pozajmice Vlade Tuzlanskog kantona. Ministarstvo je sa KHK zaključilo Ugovor o pozajmici na koji je Skupština Tuzlanskog kantona dala saglasnost.

Osnov za dodjeljivanje navedenih sredstava Fabrici obuće „Aida“ Tuzla je višemjesečno radno neangažovanje što je rezultiralo protestnim okupljanjima ispred Vlade i Skupštine kantona kao i višesatnim blokadama saobraćajnica u Tuzli. Sredstva su dodijeljena na ime novčane pomoći radnicima čije se društvo nalazi u procesu restrukturiranja.

Po osnovu tačke (d) Programa raspodjele koja se odnosi na «Intervencije privrednim društvima sa većinskim državnim kapitalom iz resorne oblasti, kao pomoć u postizanju ekonomske samoodrživosti (podsticaj izvoza, novo zapošljavanje, povećanje ukupnog prihoda, pripreme za restrukturiranje i privatizaciju neprivatizovanih društava)» dodijeljena su sredstva u tabeli navedenim privrednim društvima:

<b>R/br</b>	<b>Naziv privrednog društva</b>	<b>Odluka broj, datum odluke, Saglasnost broj</b>	<b>Visina odobr. sredstava (KM)</b>
1	«Livnica čelika « Tuzla	Od.03/1-7535-09 Dan.22.05.2009.g. Sag.02/1-14-7535/09	100.000,00
		Od.03/1-16187/09 Dan.18.09.2009.g. Sag.02/1-14-16187/09	100.000,00
		Od.03/1-22119/09 Dan.30.11.2009.g. Sag.02/1-14-22119/09	60.000,00
2	FO «Aida» Tuzla	Od. 03/1-14-9241/09 Dan.04.06.2009.g. Sag.02/1-14-9241/09	58.000,00
		Od. 03/1-14-9741/09 Dan.15.06.2009.g. Sag.02/1-14-9795/09	
		Od. 03/1-14-11276/09 Dan.09.07.2009.g. Sag.02/1-14-11279/09	150.000,00
		Od. 03/1-14-12979/09 Dan.11.08.2009.g. Sag.02/1-14-12979-1/09	150.000,00
		Od. 03/1-14-16464/09 Dan.22.09.2009.g. Sag.02/1-14-16464/09	100.000,00
		Od. 03/1-14-17876/09	40.000,00

		Dan.09.10.2009.g. Sag.02/1-14-17876/09  Od. 03/1-14-19141/09 Dan.27.10.2009.g. Sag.02/1-14-19141/09  Od. 03/1-14-22720/09 Dan.07.12.2009.g. Sag.02/1-14-22720/09  Od. 03/1-14-23748/09 Dan.23.12.2009.g. Sag.02/1-14-19141/09	150.000,00  100.000,00  100.000,00
3	„Tvornica transportnih uređaja“ DD Tuzla	Od. 03/1-14-16263/09 Dan.22.09.2009.g. Sag.02/1-14-16263/09	60.000,00
4	Rudnik krečnjaka „Vijenac“ DOO Lukavac	Od. 03/1-14-19182/09 Dan.30.11.2009.g. Sag.02/1-14-19182/09	350.000,00
<b>UKUPNO:</b>			<b>1.518.000,00</b>

„Livnici čelika“ Tuzla u toku 2009. godine je ukupno odobreno finansijskih sredstava u iznosu od 260.000,00 KM. Ovo privredno društvo veći dio proizvodnog programa plasira na evropsko tržište. Globalna recesija odrazila se na društvo na način smanjenja potražnje za proizvodima društva i otežanom naplatom ranije realizovanih ugovorom. Obezbeđivanje obrtnih sredstava često je poprimalo dramatične razmjere.

Ovaj problem dodatno je usložnilo stanje u društvu tako da je bio upitan nastavak proizvodnje po već ugovorenim poslovima.

Problem vraćanja kreditnog zaduženja bivših kupaca društva kao i izvršene presude radnika za neisplaćene plaće iz ranijeg perioda su konstanta i društvo drži na granici preživljavanja.

Dodjeljivanjem navedenih sredstava društvu je omogućen nastavak proizvodnje a time i upošljavanje radnika. Sa navedenim sredstvima izvršeni su neophodni remont, plaćanje duga za električnu energiju i obezbeđene sirovine za ispunjavanje preuzetih obaveza od strane naručilaca posla.

Fabrici obuće «Aida» Tuzla odobrena su sredstva u ukupnom iznosu od 848.000,00 KM. Ista su dodijeljena na osnovu odluka u različitim vremenskim periodima, shodno potrebama i stanju u kakvom se društvo nalazilo. Sredstva su dodijeljivana za



potrebe pokretanja i održavanja proizvodnje, kao i za materijalno zbrinjavanje dijela radno ne angažovanih zaposlenika. Poznato je da Fabrika obuće „Aida“ od novembra 2008. godine nije u mogućnosti da obezbijedi posao kako bi uposlila sve radnike sva tri pogona. Radnici u pogonu Lukavac bili su najvećim dijelom uposleni ali na vrlo niskom nivou. Ostvareni prihod nije bio dovoljan za pokrivanje materijalnih troškova i obezbjeđenje plaća. Pogon u Dubokom Potoku kratak period je imao proizvodne aktivnosti sa istim problemima sa kojima se susretao i pogon Lukavac. Pogon u Tuzli cijeli ovaj period bio je angažovan samo po jednom ugovoru. Nakon završetka nisu realizovana očekivanja da će se isti produžiti te su ostali bez radnog angažovanja. Sredstva su dodjeljivana za namirenje nedostajućih sredstava ostvarenih iz proizvodnih aktivnosti za pogone u Lukavcu i Dubokom Potoku. Pomoć radnicima pogona u Tuzli i u vrijeme neradnog angažovanja u ostala dva pogona dodjeljivana su kao materijalna pomoć radnicima.

U toku godine bilo je više organizovanih protestnih okupljanja pred zgradom Vlade i zgrade gdje su se održavale sjednice Skupštine Tuzlanskog kantona, a Ministarstvo je kontinuirano održavalo sastanke sa sindikatom i menadžmentom društva sa ciljem obezbjeđivanjem posla i iznalaženja modela za rješavanje radno pravnog statusa radnika. Pomoć radnicima dodjeljivana je do iznalaženja modela radno-pravnog statusa radnika što je kao rješenje isticano na sastancima od starne sindikata društva.

Globalna recesija u značajnoj mjeri odrazila se na „TTU“ Tuzla obzirom da rade za inostrane naručioce posla. Ona nije značajnije uticala na fizički obim proizvodnje ali je došlo do značajnijeg poremećaja u naplati odnosno u pristupu finansijskim sredstvima što za posljedicu ima značajne poteškoće u ispunjavanju tekućih i ranije stvorenih obaveza. Kantonalni sud u Tuzli spor oko kupoprodajnog ugovora riješio je u korist ovog društva, čime je glavni razlog lošeg stanja u društvu otklonjen, ali je donio nove probleme s kojima se društvo od prvog dana pravosnažnosti odluke suočilo. Naime, NLB Tuzlanska banka je nakon pravosnažnosti presude pokrenula pitanje vraćanja duga po osnovu ranije uzetog kredita. Uz prijetnju pokretanja stečaja nad ovim društvom iznuđen je sporazum o obročnom vraćanju istog. Mjesečna rata po ovom sporazumu iznosit će 20.000,00 KM. U cilju prevazilaženja poteškoća sa kojima se društvo suočilo dodijeljena su mu u tabeli navedena sredstva.

Efekat se vidi „prije svega, u nepokretanju stečajnog postupka od strane NLB Tuzlanske banke. RK „Vijenac“ je u cilju održavanja kontinuiteta proizvodnje što uključuje i plansko održavanje postrojenja, od inostranog proizvođača (Austrija) ugovorio isporuku nosivog užeta za žičaru. Zbog nemogućnosti redovnog servisiranja duga, po tom osnovu, isporučilac je postavio uslov ako se ne izvrši uplata proizvedeno uže će isporučiti drugom naručiocu. Zahtjev za pomoć od strane „Vijenca“ upućen je ranije, ali zbog ulaska u završnicu procesa privatizacije društva, zahtjevu se nije udovoljavalo. Sada kada su dva tendera za privatizaciju društva proglašena neuspjelim a još nije donesena odluka o nastavku ili prolongiranju ovog procesa, društvu su odobrena sredstva za nabavku navedenog užeta. Efekekti su u tome da su obezbijeđeni uslovi za kontinuiran rad društva na duži period uz povećanje kapaciteta isporuke krečnjaka potrošačima koja se dosada iz siguronosnih razloga morala smanjiti.

## **2. «Pozajmljivanje javnim preduzećima»**

Budžetom Tuzlanskog kantona za 2009. godinu na ovoj poziciji su planirana sredstva u ukupnom iznosu od 1.125.000,00 KM. Ova sredstva su potrebna za rješavanje

radno-pravnog statusa radnika u privrednim društvima sa većinskim državnim kapitalom koja nemaju proizvodne aktivnosti. U okviru ove stavke, a na osnovu Ugovora broj 03/1-14-20395/09 od 16.11.2009 na koji je saglasnost dala Vlada Odlukom broj 02/1-14-20395/09 od 13.11.2009. i Skupština kantona Zaključkom broj 01-02-554-15/09 od 29.09.2009. godine, izvršena je uplata 1.125.000,00 KM „Koksno hemijskom kombinatu“ Lukavac. Sredstva su namijenjena za isplatu otpremnina radnicima i plaćanje obaveza po potpisanim sporazumima sa PIO/MIO i službom za zapošljavanje TK.

Efekti se ogledaju u tome da je riješen status radnika KHK Lukavac. U vrijeme pisanja ovog Izvještaja veći broj radnika je potpisao Rješenje o prestanku radnog odnosa i upućivanju na Zavod za zapošljavanje.

<b>R/br</b>	<b>Naziv privrednog društva</b>	<b>Odluka broj, datum odluke, Saglasnost broj</b>	<b>Visina odobr. sreds. (KM)</b>
1.	Koksno hemijski kombinat «KHK» Lukavac	Od. 03/1-14-22055/09 Dan 30.11.2009.g. Sag.02/1-14-22055/09 Od. 03/1-14-24253/09 Dan 29.12.2009.g. Sag.02/1-14-24253/09	1.000.000,00
		Od. 03/1-14-23745/09 Dan 24.12.2009.g. Sag.02/1-14-23745/09	125.000,00
<b>UKUPNO:</b>			<b>597.000,00</b>

#### **IV. RJEŠAVANJE UPRAVNIH STVARI U UPRAVNOM POSTUPKU**

Ministarstvo je u izvještajnom periodu, u okviru upravnog rješavanja, donosilo rješenja u drugostepenom postupku po žalbama fizičkih i pravnih lica iz oblasti elektroenergetske inspekcije. Sva rješenja po žalbama su donesena u zakonskom roku a sačinjena su od strane državnog službenika koji posjeduje stručnu spremu - dipl pravnik a koja je prema zakonskim odredbama, uslov za rješavanje zahtjeva u upravnom postupku.

#### **V. ODNOS MINISTARTVA PREMA ORGANIMA IZVRŠNE I ZAKONODAVNE VLASTI, OMBUDSMENIMA, NEVLADINIM ORGANIZACIJAMA I JAVNOSTI**

##### **- Odnos Ministarstva prema Vladi i Skupštini kantona**

Ministarstvo se u proteklom periodu maksimalno angažovalo na izvršavanju zadataka proizašlih iz programa rada Vlade i Skupštine kantona. U skladu sa zakonskim obavezama, Ministarstvo je dostavljalo izvještaj o stanju iz oblasti

*industrije, energetike i rudarstva sa prijedlogom mjera, informacije i sva druga akta predviđena Programom rada Vlade i Skupštine kantona. Ministarstvo je redovno pripremalo i dostavljalo materijale za sjednice, prisustvovalo na sjednicama Vlade i Skupštine, te isto tako zajedno sa Vladom učestvovalo u rješavanju problematike izazvane svjetskom ekonomskom krizom koja je za efekat imala teško stanje u poslovanju preduzeća iz resornog Ministarstva.*

**- Odnos Ministarstva prema Ombudsmenima Federacije BiH**

*U skladu sa ustavnom i zakonskom obavezom, Ministarstvo je na zahtjev ombudsmena u rokovima izvršavalo svoje obaveze i dostavilo tražene informacije i osiguralo saradnju svakog državnog službenika i namještenika, posebno u pribavljanju potrebnih informacija, dokumenata i spisa.*

**- Odnos Ministarstva prema nevladinim organizacijama**

*Ministarstvo je u 2009 godini, ostvarilo saradnju sa nevladinim organizacijama, prvenstveno putem dostavljanja dokumentacije za koju su bili zainteresovani kao i odgovaranjem na određene upite.*

**- Odnos Ministarstva prema javnosti**

*U skladu sa Zakonom o pristupu informacijama, Ministarstvo je na zahtjev zainteresovanih pravnih i fizičkih lica putem medija i drugih sredstava javnog informisanja, davalo podatke o aktivnostima iz svoje nadležnosti. im*

*Ministarstvo je redovno, putem pres konferencija izvještavalo javnost o svom radu kao i o donošenju pojedinačnih odluka u okviru svoje nadležnosti.*

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Ministarstvo industrije, energetike  
i rudarstva**

**MINISTAR**  
**Sehudin Ograšević, dipl.ing.maš**

**Broj: 03/1-  
Tuzla, 26.03.2010 godine**

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Ministarstvo industrije, energetike i rudarstva**

Broj: 03/1-  
Tuzla, 02.04.2010 godine

**URED VLADE  
N/R Sekretara**

**PREDMET:** Materijal za sjednicu Vlade, dostavlja se

*U skladu sa Programskim aktivnostima Ministarstva industrije, energetike i rudarstva i Vlade Tuzlanskog kantona za 2010 godinu, dostavljamo Vam:*

*- Izvještaj o radu Ministarstva industrije, energetike i rudarstva za period I – XII 2009 godine, kao materijal za sjednicu Vlade.*

S poštovanjem,

Dostavljeno:  
1x Naslovu  
1x Evidencija  
1x Arhiva

**MINISTAR**  
**Sehudin Ograšević, dipl.ing.maš**